

馬巷廳志

卷六至八

馬巷廳志卷之六

學校

廳治未議設學童子試附縣廩增仍縣博士弟子員登文武科則由廳籍結送青青子衿集我泮林跂予望之書院義學之舊可聽鞠爲茂草不力圖維新乎志學校

虛舫書院在城隍廟後乾隆四十二年署通判萬友正捐建

舫山書院在民安里乾隆十一年知縣張荃屬里中

陳敦五
金鐘
帥錫

夏

紳士建於通利廟後院中有傑閣以祀 文昌神

其閣下奉 朱子像士子會文其間

浯洲義學在通判署西舊爲縣丞署雍正己未年縣

丞盧國泰建

新墟社學

馬家巷社學

劉五店社學

金門社學

朱文公祠在金門署右

金沙書院卽金門舊署變價建馬巷署金門士民共
捐二千餘員以後進五間書房兩間又三間并兩
廂給士子肄業其二堂花廳大堂以外仍爲往來
聽治之所

書籍

上諭全部 貳拾肆本

欽定四書講義全部 拾貳本

駁呂留良講義 捌本

大清律續纂條例 叁本

欽定科場條例壹部 肆本

欽定物料價值則例全部 貳本

上諭全部 拾本

大清律纂脩條例叁本 共八本

學政全書貳部 共拾壹本

福建通志全部 肆拾柒本

康濟錄全部 陸本

興禁教養冊 肆本

保中條款 壹本

社倉規例 壹本

明季殉節錫諡 壹本

聖諭廣訓 壹本

督補則例壹套 貳本

大清律例壹部叁套

共貳拾肆本

馬巷廳志卷之七

海防

自鄭寇蕩平海道烽烟靖者百數十年顧厦島
爲艘艦所指烈嶼先當其衝輔車犄角在金門
城縱橫指顧几席有折衝萬里之勢固宜重譯
梯航莫不來朝然山海交錯思患預防專閩之
寄詎可狃於晏安哉志海防

金門在廳東南海中舊名浯洲嶼明初改今名置守
禦千戶所閩書浯洲嶼西連烈嶼中左南達擔嶼

馬老風示
鎮海料羅盡其東官灣極其北

金門鎮城在浯洲與北阻山東西南阻海明洪武二十年江夏侯周德興造周六百三十丈高二丈五尺窩舖三十六爲門四各建樓其上西南北月城三城外環以濠置千戶所於此永樂十五年都指揮谷祥增高城垣三尺并砌西北二月城正統八年都指揮劉亮千戶陳旺增築四門敵臺萬曆二十七年燬

國朝康熙間重脩設總兵駐劄

烈嶼在金門鎮城南海中方輿紀要嶼周二十餘里
大小山數十唐時當置牧馬監此閩書與金門隔
潮並峙海上有警則烈嶼先受其鋒

烈嶼城在二十都明江夏侯周德興造爲司城周一
百八十丈基廣一丈一尺高一丈七尺窩鋪四門
一

峯上城在金門鎮城東閩書汎居浯洲嶼最東其灣
曰料羅同海外大嶸小嶸古浪嶼諸島相望

峯上城在十八都明江夏侯周德興造爲司城周一

馬老屋
百九十三丈基廣一丈高一丈八尺窩鋪四門一
田浦城在十八都明周德興江夏侯造爲司城周一
百六十丈基廣一丈高一丈八尺窩鋪四東西門
二

官灣在金門鎮城北去峯上二十里閩書峯上民勇
戰鬪置精兵其處倭來必不越而攻官灣然非官
灣則峯上之守亦孤唇齒相依也

料羅在金門鎮城東大海中閩書料羅處金門極東
地船隻往來必經之所爲泉門戶

明蔡獻臣浯洲
建料羅城及二

銳城議同安海與地最而山高者惟浯洲嘉禾爲最嘉禾之南中左之所城也而洪濟爲之鎮浯洲東北四巡檢之所基置而南則金門之所城也而太武爲之鎮嘉禾去邑五十里一海可亂而浯洲之西則緣溪入海行六十里出灣頭而淼乎不見水端矣其之邑則有金門渡後浦渡埔下渡平林渡金山港塩船之董水則有平林渡之蓮河則有西黃渡之安平則有官灣渡此皆內海也其東則外海爲澎湖爲東番琉球諸國凡夷賊之由泉而南由漳而北者必取水而維舟焉其灣最平深於北風尤穩而登岸尤便者曰料羅故設汛以來歲勤郡營戍守汛畢乃歸承平久而戍撤僅僅浯銅遊春秋汛及之然亦寄空名耳癸亥冬紅夷登岸把總丁贊死之於是撫鎮出二標以戍而一民居寓兵八九人大爲民苦未幾復散去而分金門營兵守焉本灣有官廳有媽宮媽宮之前營房對列兵居之近左起一小阜其下二盤石並入海大各四五丈又左則一石山如虹直亘海中甲子夏議

建銃臺於盤石上予謂三山橫亘海外澎湖閩南之界石浯洲嘉禾泉南之捍門也曩時諸夷風帆猶在旬月之外自倭奸潛販東山而紅夷城臺灣寇賊奸宄淵藪往來其指同安海澄間信宿耳嘉禾澎湖設將宿兵賊或未敢遽窺獨浯易而無備實啓戎心急而圖之不已晚乎則料羅之城詎非百年碩畫哉

大登在金門鎮城西海中方輿紀要巔廣六七里西有小登亦海中要地

灣頭砦在廳極南漳州府誌地近江東距果堂寨一里船隻往來必經之地

劉五店砦在廳東南海濱往來要地道路必經之所

歐厝砦

青崎山砦

洪山砦

西山砦

牛頭砦

穢林砦

天寶砦

俱在金門以上城砦皆明舊今俱廢

附載萬厯府誌泉州郡濱海縣三百里與外島

爲隣其最險要宜防之地有三一曰崇武在惠

安之東北接湄洲與興化連界西通泉州大港
東接海洋南與祥芝對峙正當泉之上游海寇
入犯首當其衝一曰料羅在同安縣極東突出
海外上控圍頭下瞰鎮海內捍金門可通同安
高浦漳州廣潮等處其濶寬大可容千艘凡接
濟萑苻之徒皆識其地以爲標準嘉靖間倭寇
由此登岸流毒最慘一曰舊浯嶼在同安極南
孤懸大海之中左連金門右通崎尾水道四通
乃漳州海澄同安門戶國初設寨於此最爲遠